

مکتبۂ ادبی و سیاسی

❁ ادبی و سیاسی رسالهٔ اسبوعیه در ❁

۳۱ نجی سنه

۲۶ صفر ۱۳۳۰

❁ پنجشنبه ❁

جزو عدد : ۱۳۳

غائب ايدلمش ظن ايدىلان ميدان محاربه لرى

وقتيله كنديسنه « غائب ايدىلان بر ميدان محاربه سنك » حقيقت حالده ناولدينى
 سؤال ايدلدىكى زمان سوواروف : « ئيلورم + انسانك غائب ايتدم ظن ايتدىكى
 ميدان محاربه سى اوله جق » جواپى ويره شدرد . كنديسنه غير ممكن برشى يوق
 ايمش كې كالان بوشديد الطبع روس مارشالى دائما بودستوره اتباع ايلشدر .
 ۱۷۹۹ سنه سى (تره بيا) ده كى ثبات وماتتى ، احراز مظفرىت ايلسنى مؤدى اولمشدر .
 اوج كون امتداد ايند مجادلات مصرانده نتيجه قطعيه استحصال ايديله مامش ايدى +
 روسيه لىلر ايله آوستريالىلر كندىلرينه نسبتاً برپارچه ده قوتلى اولان فرانسلر
 ايله پك يقيندن حال تماسده بولمقده ايدىلر ، فقط فرانسلر ك جزؤ تاملرى
 اول قدر كوشه مش ايدى ، كه (ماقدونالد) مجادله نك در دنجى كيجه سى ميدان
 معركه يى تخليه ايلش ، سوواروفك اطمنان واميدى كنديسنى آلتامامش ايدى .
 بوتاريخدن برقاج سنه اول ناپوليون (آر قول) جوارنده عيذيله شمالى ايتاليا
 محاربه ميدانى اوزرنده خصمك يكدىكرى متعاقباً اوج كون واقع اولان مكرر
 هجوملرى رجعت مجبور ايمش و (ايلاو) ده دخى ميدان محاربه سنك كندوسى همچون
 تلفات عظيمه يى موجب اولدينى حالده مغلوبى مؤدى اولمامسى ثبات ومباتنك
 خصمه فائق اولمسندن نامى (بنىكن) ك لىلا ميدان مجادله يى تخليه ايله كنديسنى
 مغلوب عد ايلسندن ايلرى كلشدر .

بيوك فرم دريق دخى (تورغاو) ده برقاج دفعه واقع اولان هجوملرى دفع ايدلدىكى
 حالده نتيجه سنك بر موفقيت مسعوديه منجر اوله جنى حقنده كى اميدى ضايع

ایلامشدر . آوستریالیلرک ، کندیسندن آز بر تلفاته دوجار اولماسنه و جنرال
 (چیتن) ک قوماندهسنده بولان پروسیه اردوسنک بر قسمی آنلرک خط رجعتلری
 اوزرنده بولماسنه مبنی رجعته مجبور اوله جقلرندن مطمئن بولنیوردی .
 سوواروفک آفالبیان سوزینه اشتراکاً پرنس فریدریخ شارل یازیورکه :
 « بر میدان محاربهسنی غائب ایستیرن ندر ؟ ایکی کشتی آرهسنده واقع اولان
 بر مبارزده برینک دیکرینی تلف ایلدیکی گبی براردو دیکری طرفدن بسبتون
 احصا ایدلمش اولقمی در ؟ انهای مجادلهده هرایکی طرف همان درجه متساویهده
 ضایعاته اوغرایه جقلندن تلفاتک کثرتیمیدر ؟ غائب ایدلمش بر میدان محاربهسی
 هر حالده غائب ایتم ظن ایدیلاں بر میدان محاربهسیدر که تعاقب ایدن گونده متانت
 روحه مالک بولان سردار کندی گبی متین الروح اولان اردوسی ایله رجعت ایدرک
 کندینی مغلوب عدا ایدم جک یرده ثبات وجلا دتی سایهسنده مظفر اوله رق کندینی
 تاریخ عالمه « غالب » یازدیرمغه اجبار ایدر . « ایشته بو حسیات ایله متحلی اولان
 پرنس ۱۸۷۰ سنهسی آگستوسنک ۱۶ نجی کونی (ویبونویل) میدان معرکسی
 اوزرنده اردوسنک اوغراینی تلفات کلیه و عسکرینک صوگ درجه یتاب بولمسنه
 رغماً اجرا ایستیردیکی آقشام هجومی کندیسنه عدا پک قائق بولان فرانسر
 اردوسنه قارشى يوم مذکورده نغای غالبیتی باصدیرمغه سبب اولمشدر .

اسرار غالبیت ، شایان اهمیت بر صورتده قسماً غالبک دشمنه القا واحساس
 ایلدیکی تأثیراتده مخفی بولمقدهدر . بونقطهده « حربده قوه مخیله » بحثه تماس
 ایتمکده بولنیورز که بونک اهمیت (باویرا) انداخت مکتبی مدیریتنده خدمات فوق-
 العادهسی سبق ایتمش اولان جنرال (رایسنر بارون فون لیختن شتیرن) طرفدن
 لایق اولدیغی درجهده تقدیر ایدلمشدر . متوفای مومی الیه ۱۸۶۶ سنهسی حزر برانک
 ۲۴ نجی کونی وقوع بولان (گوستوزا) میدان محاربهسنده جنرال (لامارمورا) نک
 اوانه قدر اولان تصورات وتریداتک و بونلره مستند نیاتک اجراسنه ناکهان
 دشمن طرفدن ممانعت ایدلمکده اولدیغی کورمسندن متولد احواله دایر تدقیقانه
 بولمشددر . (لامارمورا) آوستریالیلره (نهج) شهرینک شرقده تصادف ایدم جکم

ظننده بولندی حالدہ کندی صاغ چناحنک (ومرونا) شہرینک جنوب غریپسندہ کی
اقومده دشمن سواریسینک بر باصغین هجومه اوضامقدن وعین زمانده (غاردا)
کولنک جنوبینده طاغلق اراضیدہ دشمن قوللرینک ایٹالیاں اردوسنک صول جناح
ویانسه قارشی ایلرولمکده اولدقلرینی کورمکدن متولد احوال و وضعیت جدیدہ
داخلندہ نہ پایہ جغنی شاشیرمش ایدی . آوستریالیرک (نہج) شہرینک شرقدہ
اولدیغہ قناعت قطعیدہ بولندقلری حالدہ شہر مذکورک غریپندن ناکہان ظہوری
ایٹالیا اردوسی دخی کندی قوماندانلری گپی بیوک بر شاشقینلغہ دوچار ایتمش
ایدی . بناء علیہ بواردو ، عددجہ آزا اولان دشمنک سلاح قوتندن زیادہ ماهرانہ
سوق و ادارہ ایدلش اولمسنہ و کندیلرینہ احساس ایلدکلری تأثیرانہ مغلوب
اولمشدر . (لامارمورا) اوزمانہ قدر واقع اولان حریدہ کندینی جسور و صاحب
قرار گوسترمش ایدی . کندیسینک بورادہ کی « اضمحلال معنویسینک سببی ، بقتہ
ظہور خصمک بک زیادہ حساس اولان متخیلہ سندن ہرشیٹک ضایع اولدینی
طرزندہ تأثیرات حصول پذیر ایتمسیدر ، کہ بونک نتیجہ سی اولہرق بلا مقاومت
عار تسلیمی ارتکاب ایلشدر . »

جنرال (لامارمورا) کی ۱۸۷۰ سنہ سندنہ فرانسہ مارشال و جنراللرینی دخی
جسارتسزلکلہ اتہام ایتمک موافق اولہماز ، مع مافیہ (شیخہرن) جوارندہ جنرال
(فروسار) ۱۴ نجی فرقہنک متفرق هجوملرینی دفع ایلہ بونلری پریشان ایلدیکی
حالدہ کندی قول اردوسی ایلہ یالکگز موقعی محافظہ ایدہ بیہلہ جکئی بیلدیرمش
ایدی . مؤخرآ ایلک قوہ امدادیہ اولق اوزرہ آلمانلرک ۱۶ نجی و ۵ نجی فرقہ -
لرینک بر قسمی ورود ایلدیکی زمان - نا قابل هجوم بر موقعی احراز ایتمش اولق
و عددجہ ینہ فائق بولمقلہ برابر قوہ امدادیہ طلب ایلش ایدی . قوتجہ ضعیف
اولان آلمانلرک (شیخہرن) تپہلرینہ قارشی اجرا ایلدکلری هجوم بہادرانہ ایلک
دفعہ اولہرق « پروسیہ کابوسی Cauchemar prussien » سوزینی تلفظ ایستدیرمش
و بوآندن اعتبارآ بوکابوس فرانسز اردوسنک اوزرینہ چوکشدر ، کہ آگستوسک

۱۶ نجی گونی (وییون ویل) جوارنده ۳ نجی قول اردونك مصادمه شیدیده و مددهشی مارشال (بازه) دن اعطای قرار قابلیتی بسبتون نزع ایلشدر .

یالگنز متانت طبعه مالک اولان برانسان ، حربك تأثیرات مختلفه سنه مقاومت ایدمك حالدله بولنه بیلیر . مجادله سردارك متانت روحنه تکالیف عظیمه و مهمده بولنور . (قلاوزویچ) ك افادهسی وجهله مشارالیه « انتزاع و احتضار ایتكده بولنان بالجمله قوای جسمیه و معنویهك تأثیراتنه ، یورکلر پاره لیه ك صورتده خونین فداکارلقلر ك منظره لرینه قارشى مقابلات و مجادلاتده بولنه حق اشخاص منفردنك قواسی اعتزال ایتدیكى تقدیرده بولنری آرتق کندیلکلرندن سوق و تحریك ایتك قابل اوله میه جغندن ، هیئت کتله یی استیلا ایدن عطالت و کسالت تدریجاً سردار ك قوه عزمنی کسر ایلر ؛ بوجهتله سردار سینه سنده کی نار غیرت روحنده کی منوریت ایله جمله نك شوق و غیرتی تحریك ، قلبلرنده شعله امید یگیدن اشعال ایدم یللیدر ؛ بوخصوصه نه درجه موفق اولورسه هیئت کتله اوزر - نده کی نفوذ و حاکمیتی اونسبتده اساسکی اولور ؛ بالعکس بونفوذ و حاکمیت زائل اولور ، جسارت ذاتیه سی سائرلرنك جسارتی بشکرار وجودپذیر ایدمك قونی حائر بولنمزه احوالدله هیئت کتله ، مخاطره دن تحاشی و فرار ایدن ، حیا ، نه اولدیغنی بیلیان طبیعت حیوانیه نك درك پستیسنه کندیسنی جذب و تنزیل ایدر ، فعالیت فوق العاده ابراز ایتك ایستیان بر سردار ایچون مجادله واقعه ده جسارتنك ، متانت روحنك غلبه ایتمی لازم کلان شیلر بولنردن عبارتدر . بولنر کتله ایله برابر بیورلر ، بناء علیه بووظائف ایله متناسب بولنقى ایچون قوتلر ك دخی مقامك علویتی نسبتده تراید ایلسی لازم کلیر . »

پروسیه (ایلاوی) جوارنده پروسیه نك (لستوق) قول اردوسنك مداخله سی ایله روس مجادله یه برمساعد جریان ویرمەدن اؤل روسلر ك صول جناخنده کی حال بجران اشتمال بك وخیم بردرجه یی بولمش ایدی . مارشال (داووت) (بهنیکسن) ك بوجناخنی بسبتون چویرمش ، روسلر ك خط رجعتی ده مشارالیه ك انه یکمش ایدی . فرانسر بطریقه لر ی روسلر ك جهه سنی طولانی آتش آلتنه آلمش ،

جهه نك وسطی ایسه مقصواری بر آتش مده شك تحتند متاثر بولنیور ایدی .
 روس اردوسنك صره لری آره سنده درجه انحلال و اضمحلال كیندكجه تزايد
 ایلوردی . آرقه سنده کی قطعه آراضی کیر و پوسکوردیلان صول جناحك فراریلری
 ايله مستور ایدی ، یالکیز مرکز ايله صاغ جناح طار برخلده یکدیگره صیقیشمش
 اولدینی حالد هئوز مقاومت گوستریور ایدی . (وورتمبرغ) پرنس لرندن بومیدان
 محاربه سنك شاهد ناظری اولان پرنس (اوژن) بوگا دار شویله یازبور : « هئوز
 بر هزیمت گورمامش اولانلر هر شینك ضایع اولدیغنه حکم ایلردی
 بومهرج و مرجك وسطنده به نیکسن آهین بر صلابت ايله عرض اندام ایلوردی .
 ۶۲ یاشنده اولقله برابر غایت ایمیچی و جسور اولان بوذات ، قیر آتی اوزرنده
 برهیکل متانت منظره سنی حازر بولنیوردی . »

واترلوده بلوهرک وقت وزمانیله میدان مجادلیه مواصلت و اشتراکی اولمسه
 ایدی (ولینکتون) ائک مغلوبیتی محقق ایدی . فقط بوانکلیر سردارک ائک بیسوک
 مخاطره ایچنده کی اعتدال دمی شایان حیرت ایدی . فرانسز سواری کتله سنك
 ایکنجی هجومی ايله انکلیرلرک جهه سی بوزولمق مخاطرسنه دوشدیکي ائشاده (اولخ)
 دیور ، که : « ولینکتون ک ارکان معیتک هان قسم اعظمی تلف و یا مجروح اولمش
 بولنیوردی . جهه نك آرقه سی و (بروکسله) کیدن جاده مجروحلر و کندیلرینی آرتق
 شرف و ناموس عسکرینك موقع مخاطره ده طوغغه موفق اوله مدینی اشخاص ايله
 مستور بولنیوردی . بونکله برابر فرانسز لر کال تاثرله اعتراف ایتمک مجبوردرلر ، که :
 بریتانیای کبیرک بایراغی منازع فیه اولان مرتفع یایله ده توج ایتمکده ایدی . »

اسله ناریه حاضره منزللرینك تزايدی ، بسبتون تحول ایدن طرز مجادله
 سردارلری موقع مخاطره دن اوئلده مستعمل و ممکن اولدیغنه نسبت ده زیاده اوزاقده
 بولندیر مقدمه در . مقام بقدر تعالی ایلر ایسه شخص طوغریدن طوغریه تأثیرات
 مجادله دن اونسبتده خارج بولنمقده در . محاربه تلفونلری سایه سنده ائک اوکده بولنان
 خطه امرلرینی ایصال ایده یلکده و محاربه نك روش و حالندن صورت متماپه ده
 خبردار اولمقده در . مع مافیه احوال و وضعیاتی رأی العین مشاهده ایتمک ایچون

میدان محاربه اوزرینه کیتکدن بسبتون واز کجه میه جکی وعلی الخصوص اوان بحران
اشتمالده عسکرینه نمونه امتثال اوله رق آنلره احساس شوق و غیرت ایتک لازم
کله جکی بدیدارد . ژاپونیا لیلر کندی قوماندانلرینک اڭ زیاده متانت و سکونت
اعتماد بخشالریی تقدیر ایتشلردر . مع هذا مؤاخذات شدیده معروض قلمش
اولان روس باش قوماندانلرینه ده جسارت شخصیه لری نقصان ایدی گی اعتراضده
بولنیه ماز .

احوال محاربه ده دائر بر فکر امین استحصال ایده یلک شمیدیکی طرز مجادله دن
طولانی اوالله نسبتله زمانمزه صوڭ درجه مشکلدرد . چونکه تأثیر اسلحه یالڭز
نتیجه قطعیه استحصال ایدیه جک آنه قدر خصمی تقریباً ناپولون زماننده اولدینه
نسبتله درت منلی و ۱۸۷۰ حربنده اولدینندن ایکی منلی اوزاقده بولندیرمقله
اکتفا ایتبور ، احتیاطلری ده مستوراً اخذ موضعه مجبور ایلور . وقتیه دشمن
موضعی اوزرینه توضع ایدن باروت دومانی واقعا موجود دکل ، فقط دشمنه قارشى
اجرا ایدی لان تأثیراتک درجه سنی تقدیر ایده یلک ناپولون و بیوک فرم دریق
زمانلرینه نسبة دها مشکلدرد . حال بوکه (نورغاوا) میدان محاربه سی آقشامی پروسیه
جنراللری یانقمده اولان (ژوبتیس) کوبینک نشر ایلدیکی آیدینلقدده آرم لری پک
سیرکلمش اولان آوستریا لیلرک احرار ایتش اولدقلری صرتلرده یاناشدیره رق
طویلانمده اولدقلری فرق ایده یلشسلر و بوگا بناء ظلمت لیلدن بالاستفاده واقع
اوله جق بر هجومده پک آزمقوامته تصادف ایده جکلرینه حکم ایتشلردر . فی الحقیقه
پروسیه لیلر لیل (ژوبتیس) تپه لرینه هجوم ایله اوراده قویاً یرلشمکه و بوجله میدان
محاربه سنی کندیلرینک مظفریتنه تحویل ایلکه موفق اولشلردر .

مسرو دات سالفهیه نظراً بر میدان محاربه سنه غائب اولمش نظریله باقمقمی ،
باقمقمی لازم کله جکئی تقدیر ایتک اوالله نسبة زمانمزه دها مشکلدرد ، بالطبع
دشمن دخی عین حالده بولنمده در . اگر باش قوماندان عسکرینه هنوز حاکم
و بوده ججانهیه مالک بولنیور ایسه اوحالده مشارالیهک تلفاتی بر مصارعه دن ،
مشکوک الطبیعه نتیجه دن صکره دخی مظفریتدن بتون بتون قطع امید ایتسی جائز

دکدر . ژاپونلر کبی بر نتیجه قطعیه استحصالی میسر اولمیدی زمانلر طوپراغی حفر ایله برلشوب صباحه انتظار ایتمک اقتضا ایدر . یالگیز طوغریدن طوغری به کندی مغلوب اولدم ظن ایدن ذات ، بالطبع اسلحه حاضره و طرز بحارده نیک بخش ایتمکده اولدیغی فوایدی نظر مطالعهیه آلمامش اولور .

بیوک فرهدریق قولین محاربه سنده طالع ظفرک کندی اللرندن قاجدیغی واردوسنک اکتساب ایتمش اولدیغی « ناقابل غلبه » سحر و وصفنک بوزولدیغی کوردیکی زمان (آنها) آلاینک افرادینی بر قاج بایراغک آلتنه جمع ایتمش و بونلری دشمن طوپلرینک مریمیلری پریشان ایدینجه قدر بردفمه ده دشمن موضعی اوزرینه موسیقه چالدره رق بالذات سوق ایلشدر .

طبق بونک کبی ناپولیون دخی (بل آلیانس) جوارنده استحصال مظفریت ایچون هر شبی بایمش ، صوگ احتیاطی ، اسکی خاصه عسکرینی دخی سوق ایتمکدن چکینامشدر . مشارالیهک بولندی حال و وضعیت ایچنده بوصول چاره نومیدانهیه مراجعت ایتمسینک سبی آکلاشیله بیلیر ، چونکه ظفر سز حاکمیت و سلطنتک محو اوله جنی آشکار ایدی . (قلاوزویچ) افادات آتیه سنده یک حقلیدر : « برچوق مظفریتلر واردرکه بونلر ثبات وصول قوت و غیرتک صرفی سایه سنده استحصال ایدیلیر ، فقط مؤاخذه ، سردارک غیر ممکن اولان شیئی استحصال ایله اوضر اشنامسینی و بو غیر ممکن اوزرنده - بشقه یرده فائده لی صورتده استخدام ایده بیله جکی - قوتدن فدا کارلقده بولنماسینی طلب ایلر . »

قلاوزویچ ، ناپولیونک ده بادیته پروسیه لیلر طرفدن صاغ جناحک تهدید اولندیغی کورمکله برابر ولینکتونه قارشى هجومی تصویب ایتمکده و فقط بلوهرک قوتنک ۵۰ : ۶۰ بیک راده سنده اولدیغی آکلاشینجه ایمپراطورک صوگ هجومی اجرا ایتمه رک هنوز موجود اولان بالجه عساکر احتیاطیه ایله برابر رجعی ستر و حایه ایلی ایدی فکرنده بولنمده در . واقعا قلاوزویچ بشقه بر یرده دییورکه : « قطعی میدان محاربه سی ، احراز مظفریت مقصدیه اجرا ایدلمکده اولدیغی جهتله بالطبع آنی ، الک بیوک غیرت و مساعی ایله تحری ایتمک لازم کلیر . تکمیل حرب

یلافی کندیسینک كافة روابط و خصوصیات ایله بورد . بوساعتده خصمه غلبه چالمق مقصدونیتده اجتماع ایلکده اولدینی جهتله مستقبله عاید بالجه بعداحتماللری و مظلم تصورلری پیش ملاحظیه آلمق لازم کلیر ؛ ائک جسورانه سؤاللره جواب ویرمک ایچون طالع و قدر قارشومزده عرض اندام ایلر . « فقط بوخصوصده سوواروفک هرزمان ایچون حرزجان ایلککه سزا وار اولان شو » هیچ برسردار غیرممکنی استحصاله چالیشماملی « سوزی حقیقت حالده و قتیله جبهه هجومی کرز اوکنه بل آلباسده یابدینی گبی یالکز احاطه حرکاتی ایله قابل اجرا اولان ، احما میدان آلهرق سویلشمش و روسیه لیلرک محاربه سی دوشونلماشدر .

دشمن قوتلرندن برقمینک یان طرفدن اجرای تأثیرات ایدیشی نظر دقی جلجه شایاندر . بوکا مناسب صورتده مقابله ایدم ایلک ایچون آرتق ایلده برواسطه من موجود دکل ایسه . مغلوب اولدق اعتقادینی کندیمزدن نه قدر دفع ایدرسه ک ایدم . اکثر احوالده بیوک بر فاندینی موجب اولماز . ظن و خیاله حاکم اولمق ممکن اوله بیلدیکی حالده « بومغلوب اولمق حسی آرتق بسیط برخیالندن دها زیاده بر حال اولهرق واقع ارلور ؛ بو ، خصمک بزه فائق اولدیغنه دائر برحقیقت بدیهه در » بوتفوق یازمانا و یا مکانا و یا خودکه (مانچوری) حربنده ژاپونلرک روسلره قارشو اولدینی گبی دائمی اوله بیلیر . واقعا (قرویاتنکین) ایله کندی معیت قوماندانلرینک صورت دائمده تصور و تقدیر ایتدکلری گبی ژاپونلرک تفوق عددیسی یالکز آنلرک متخیله لرنده موجود ایدی ، زیرا حقیقت حالده چوق دکلسه بیله عددأ برارچه روسلر فائق بولنیورلردی . فقط ژاپونلره معنا مساوی اوله مامق حسی تکمیل روس اردوسنه حاکم بولنمقده ایدی . سوواروفک احفادی کندیسینک « قورشون سرصریدر ، سسونکی بر مرد کاملدر » گبی نمره سز اعتقادندن عبارت اولان نظریه سنی ، تقدیر و تقدیس ایتکده و صورت دائمده بومرد کامل دستورینه توفیق حرکت ایلکده ایدیلر . فقط روح نظریه سنی حربده عناصر معنویه نك اهمیتله متناسب اولهرق محاربات زمانه نك شرائطنه توفیقاً تربیه و تنمیه ایتکی اهمال ایلشلر ایدی . بوندن طولانی روس مردکاملی نیم بر آدم حاله منقلب اولدیغندن قوماندانلر

احتیاط لرینی خط حربیه سوق ایتمکدن تحاشی ایدیلورلر و بوجله سه و واروفاک
 ۳۴مه حال مظفر اوله جنی میدان محاربه لرینی غائب ایتمکدن ظننده بولنیورلردی .
 روس ژاپون حربی استحصال مظفریت ایچون سردارک بالجله عسکرینی
 سوق واستخدام ایتمکدن تحاشی ایتمیان متانت عازمانه سنک و طوغری بدن طوغری به
 حرب نقطه نظرندن اجرا ایدلمش بولنان تربیه و ممارسه افرادک بادی موفقیّت
 اولمقده بولندیغنی بزه صورت قطعیده اعلام واره ایدیلور . اوروپا دول معظمه سی
 آرمه سنده وقوع بوله جق اولان برحرب مستقبلده قارشى قارشى به بولنه جق کتلات
 عسکر یه ده سردارک واقع اوله جق هر ترددی ، هر تأخری ، قیمت معنویه نك
 هر تنزلی عسکر ایچون بر مخاطره عظیمه تشکیل ایلر . تأثیرات تحلیلیه و تخریبیه سی
 سیل خروشان کبی اطرافنده کیلری سور و کلیوب کوتوریر . بوکا قارشى اردو
 داخلنده یالکیز حرب به موافق مساعی و اقدامات ایله مقاومت ایده بیلک قابلدیر .
 بیسوک فرمدر یقک : « عسکریمک ترتیبائی قومانده ایده جکلر طرفندن بی نهایت
 تطبیقاتی استلزام ایلر » سوزی بزم ایچون وقت حشرده دخی بر دستور لایستغیر
 تشکیل ایلر . فقط قرال فرمدر یق ایله برابر بزه پک مطمئنتر ، که « هر نه قدر
 بودائمی و زحمتی تطبیقات پک شدید کورونمکده ایسه ده » آنلرک تطبیق
 و استمالی دشمنه قارشى پک زیاده تفوق و فائده یی موجب اولور و ینه آنکله
 معتقدز ، که « بشقه حکومتلر نزدنده جسور عد ایدیلان بر جنرال ، بزه قواعد
 عادیه نك استلزام ایتمیکی خصوصاتک و انسان ایچون ممکن الاجرا اولان بالجله
 شیلرک ایفاسنه جسارت و تشبثدن احتراز ایلر . »

آلمانجه دن

محمد رشدی

